

**UGOVOR**  
**o nabavci telefonske centrale sa instalacijom i konfiguracijom opreme**

**I UGOVORNE STRANE**

**Arhitektonski fakultet u Sarajevu**

Sjedište: Patriotske lige 30, 71000 Sarajevo  
koje zastupa dekan Prof. mr. Mevludin Zečević  
Identifikacijski broj: 4200192800009  
(u daljem tekstu: Naručilac)

i

**Silnica d.o.o. Sarajevo**

Sjedište: Dr. Silve Rizvanbegović, 71000 Sarajevo  
Koga zastupa direktor Senad Mehić  
Identifikacijski broj: 4200483870004  
Identifikacijski broj obveznika PDV-a: 200483870004  
Transakcijski broj, naziv i sjedište banke: 132 731 001012 1594, NLB Tuzlanska banka  
Sarajevo  
(u daljem tekstu: Izvršilac)

**II PREDMET UGOVORA**

**Član 1.**

Predmet ovog ugovora je nabavka telefonske centrale sa instalacijom i konfiguracijom opreme u zgradi Arhitektonskog fakulteta u Sarajevu, prema Pozivu za dostavljanje ponuda Naručioca br. 05-947/2-17 i Ponudi Izvršioca od 18.09.2017. godine, koji su u prilogu ovog Ugovora i čine njegov sastavni dio.

**III ROK IZVRŠENJA**

**Član 2.**

Izvršilac se obavezuje da uslugu iz člana 1. Ugovora (instalacija, konfigurisanje, testiranje i puštanje u probni rad opreme, izrada dokumentacije izvedenog stanja) izvrši u roku od 15 (petnaest) dana, od dana stupanja Ugovora na snagu.

**IV PERIOD PROBNOG RADA**

**Član 3.**

Probni rad sistema počinje od dana završetka radova na instalaciji i konfiguraciji telefonske centrale sa pripadajućom opremom i traje dva dana. Ukoliko u periodu probnog rada dođe do kvara na isporučenoj opremi koji utiče na normalno odvijanje telefonskog saobraćaja, Izvršilac je obavezan izvršiti otklanjanje kvara bez troškova po Naručioca u roku od 24 sata. U tom slučaju probni rad u trajanju od dva dana će ponovo započeti nakon otklanjanja kvara.

**V OBAVEZE IZVRŠIOCA**

**Član 4.**

Izvršilac se obavezuje:

- da ugradnju predmetne opreme, izvede stručno i kvalitetno, u skladu sa normativima, standardima i tehničkim propisima koji važe za ovu vrstu posla, sopstvenom opremom, alatom i radnom uslugom i svojim materijalom;
- u roku od 15 kalendarskih dana izvrši isporuku i ugradnju predmetne opreme na lokaciji Arhitektonskog fakulteta u Sarajevu, ul. Patriotske lige br.30, Sarajevo, računajući od početka ugradnje, u dogovoru sa Naručiocem, vodeći računa o procesu i drugim aktivnostima koje se sprovode kod Naručioca;

- da u toku probnog rada telefonske centrale sa pripadajućom opremom, a nakon prijave kvara od strane Kupca, o svom trošku izvrši popravku ili zamjenu neispravnih komponenti telefonske centrale sa pripadajućom opremom u roku od 24 sata od prijave kvara, bez troškova po Kupca;
- da o svom trošku otkloni sve štete i nedostatke prouzrokovane isporukom, konfiguracijom i puštanjem u rad, a koji su uočeni prilikom internog tehničkog prijema telefonske centrale sa pripadajućom opremom.

#### **Član 5.**

(1) Izvršilac garantuje profesionalni kvalitet opreme u svemu prema uslovima predviđenim u zahtjevima Naručioca navedenim u Pozivu - nov originalan proizvod odgovarajućih karakteristika i obilježja, po važećim standardima.

(2) Izvršilac se obavezuje da za isporučenu i ugrađenu opremu, isporuči Naručiocu tehničku dokumentaciju, garanciju – garantni list, upustvo za korištenje i održavanje opreme na lokalnom jeziku.

#### **Član 6.**

Sve troškove obezbeđenja potrebne dokumentacije, uvoza, carine, špedicije, osiguranja i transporta opreme do ugovorene lokacije isporuke i ugradnje - prostorije Naručioca, snosi Izvršilac.

#### **Član 7.**

(1) Izvršilac garantuje ugovoreni kvalitet opreme i da oprema nema mana i nedostataka koje umanjuju njenu vrednost ili podobnost za upotrebu, u trajanju od 12 mjeseci od dana zapisničke primopredaje.

- (2) Izvršilac se obavezuje da za isporučenu i instaliranu opremu garantuje:
- a) potpunu kompatibilnost opreme sa svjetskim standardima,
  - b) kao i da oprema, u momentu isporuke, bude nova i testirana, prema svim karakteristikama navedenim u ponudi Izvršioca i bez nedostatka u materijalu i izradi,
  - c) redovno servisiranje opreme u garantnom roku.

(3) Izvršilac se obavezuje da u toku garantnog perioda otkloni sve nedostatke, o svom trošku, u roku od 5 (pet) dana od dana prijema pisanog poziva Naručioca. Ukoliko ne otkloni nedostatak, Izvršilac se obavezuje da snosi trošak nastale štete proistekle zastojem u korištenju opreme. Ukoliko Izvršilac ne otkloni nedostatak u utvrđenom roku, Naručilac ima pravo da sam otkloni nedostatak, o trošku Izvršioca, uz obavezu angažovanja stručno osposobljenih lica. Garantni period će se produžiti za onoliko dana koliko je trajao zastoj u korištenju opreme. Izvršilac neće biti odgovoran za nedostatke koji nastanu uslijed nepravilnog korištenja, mehaničkih i drugih oštećenja ili usled preduzimanja neodgovarajućih radnji od strane Naručioca.

### **VI CIJENA I NAČIN PLAĆANJA**

#### **Član 8.**

(1) Ukupna procjenjena vrijednost ugovora iznosi **5.062,30 KM** (pethiljadašezdesetdvije i 30/100 konvertibilnihmaraka) bez uključenog PDV-a, odnosno **5.922,89 KM** (pethiljadadevetstotinadvadesetdvije i 89/100 konvertibilnihmaraka) sa uključenim PDV-om.

(2) Cijena opreme u sebi sadrži i troškove postavljanja instalacije, montaže opreme, programiranja, obuke osoblja Naručioca i puštanja sistema u probni rad.

(3) Naručilac će izvršiti plaćanje ugovorenih usluga najkasnije 15 dana od izvršene zapisničke primopredaje i prijema fakture Izvršioca.



#### Član 9.

Za koordinaciju operativnih aktivnosti na realizaciji ovog ugovora, na način i u ugovorenim rokovima, imenuju se:

- ispred Naručioca: Fadil Hurić, 061/219-836
- ispred Izvršioca: Selver Ožegović, 033/782-915

#### VII STUPANJE NA SNAGU I RJEŠAVANJE SPOROVA

#### Član 10.

Ovaj ugovor stupa na snagu danom obostranog potpisivanja od strane ovlaštenih lica ugovornih strana a zaključuje se na period od dva mjeseca.

#### Član 11.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od sedam dana.

#### Član 12.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

#### VIII OSTALE ODREDBE

#### Član 13.

Za sve što nije regulisano ovim ugovorom primjenjivaće se odredbe pozitivnih propisa kojima se reguliraju obligacioni odnosi u Bosni i Hercegovini.


#### Član 14.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

#### Član 15.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Izvršioca

  
Senad Mehić, direktor  
Silnica d.o.o.

Datum: 25.09. 2017. godine

Broj: 02509/17



Za Naručioca

  
Prof. mr. Mevludin Zečević, dekan  
Arhitektonskog fakulteta

Datum: 25.09.2017. godine

Broj: 05-41/100-17

